

藥

品

化

義

藥品化義卷二

鴛洲賈所學九如輯著

云

趙郡李延是期叔補訂

氣藥

藿香 屬純陽

體乾枯

鮮潤

色乾蒼

鮮青

氣青香

味甘辛

云苦

性溫

能升能降

力行胃氣

性氣厚而味薄

入脾肺胃三經

藿香甘溫入脾兼辛入肺其氣芳香善行胃氣以此

調中治嘔吐霍亂以此快氣除穢惡痞悶且香能和

合五臟若脾胃不和用之助胃而進飲食有醒脾開

胃之功。辛能通利九竅。若嵐瘴時疫。用之不使外邪
侵。有主持正氣之力。凡諸氣藥。獨此體輕性溫。大能
衛氣。專養肺胃。但葉屬陽。為發生之物。其性銳而香
散。不宜多服。

荷香氣者佳。薄荷氣者乃異種薄荷。非藿香也。
晒乾取葉同煎用。與荳蔻同食。墮胎忌之。

香附。屬陽中有微陰。體重實而小。色紫。氣

香。味辛重微苦。云甘非性溫而燥。能降力

快氣。性氣重而味輕。入肺肝二經。

香附辛主散。苦主降。用以疏氣開鬱。非獨女人之聖
藥也。但女性偏滯多氣多鬱。尤宜疏散耳。因氣香燥。

用童便製之。橫行胸臆間。解散痞悶。凡氣鬱客熱。藉以降下而舒暢也。因味辛散。乃用醋炒。佐入肝經。以理兩脇及小腹痛。凡血瘀經滯。藉以行氣而快滯也。若炒黑。用治淋瀝及崩漏。蓋因氣鬱。此以疏之。順其氣而血自止也。由血隨氣行。血藥中多用之。但氣實而血不大虛者為宜。若氣虛甚者。用之愈損其氣。燥其血矣。故血虛崩漏者。又不可用。

童便浸一日一換。多製數通。為散。氣分中聖藥。忌氣器。

烏藥 屬陽中有微陰 體堅實而大 色肉蒼皮黑 氣雄 味辛帶微苦 性溫 能降 力行

氣 性氣厚而味薄 入脾胃二經

烏藥氣雄性溫故快氣宣通疏散凝滯甚於香附外
解表面理肌內寬中而順氣以此散寒氣則客寒冷
痛自除驅邪氣則天行疫瘴卽却開鬱氣中惡腹痛
胸膈脹滿頓然可減疏經氣中風四肢不遂初產血
氣凝滯漸次能通皆藉其氣雄之功也

水汁水浸三四日
送方好切片用

厚朴 屬陽中有陰有土 體乾 色紫 氣微香

味微辛略苦 性微溫 能升能降 力泄實滿

注氣與味俱厚 入胃經

厚朴性味辛溫能散去寒濕之邪帶苦能降泄腸胃之實因脾胃惡濕以此燥之專平胃氣主瀉中焦壅滯若胸腹脹滿鬱而不散食積於胃羈而不行非此不能條達舒暢故用治痞悶噯氣吞酸嘈雜嘔吐同解散肌表之藥却衛氣有餘助分泄陰陽之劑清大腸多阻但瀉而腹痛有積滯者用之為宜若暴瀉如水滑瀉無度者腸胃已虛忌此辛散

厚而色紫者佳去粗皮
用忌黃同食食之動氣

大腹皮 屬陰 體輕枯 色蒼 氣和 味微鹹

性涼云溫云
寒皆非 能升能降 力消脹廬

性氣與味俱淡而薄。入肺脾胃大小腸五經。

腹皮皮主走表。故能寬脹。味鹹軟物。故能消腫。體質

輕枯。輕可去實。用此疏通脾肺之鬱。氣味淡薄。淡主

滲泄。用此暢利腸胃之滯。若皮膚浮腫。若腳氣脹痛。

若胎氣腫滿。若鼓脹之陰陽不能升降。獨此為良劑。

丹溪常用之。或疑為有毒。或輕為賤物。皆非其意矣。

腹皮對多棲蟻。易惡染蟻毒。宜以酒洗。或以益湯淨。晒乾用。

木香 屬陽 體重而堅 色蒼 氣香寒 味辛

而微苦 性熱 能升能降 力調諸氣 性氣

與味俱厚 入肺脾肝三經。

木香香能通氣和合五臟爲調諸氣要藥蓋諸氣臍
膈皆屬於肺故上焦氣滯用之爲金鬱則泄之也中
氣不運皆屬於脾故中焦氣滯用之爲脾喜芳香也
大腸氣閉則後重故下焦氣滯用之爲塞者通之也
以此治痞悶噎氣水腫腹脹痢疾脚氣皆散滯調氣
之功但辛香屬陽陽則升浮如中焦下焦結滯須佐
枳榔墜之下行因性香燥同黃連黃芩治痢疾同黃
柏防已治脚氣皆藉寒藥而製其燥則用斯神矣若
怒氣拂下攻衝遍身作痛以此使肺氣調則肝氣自
伏若肝氣鬱致脇肋小腹間痛同青皮疏之令肝氣

行則血脈痛止。惟痘瘡實者忌用。

用廣木香。體重實如枯骨而堅。嚼之粘牙者良。臨煎切入。勿使隔久。恐香氣散無力。

檳榔 屬陽中有陰 體重實 色紫花紋 氣和

味辛苦 性溫 能沉 力破結滯 性氣輕而

味厚 入肺與大腸二經

檳榔體重而實。味厚而沉。沉實主降。專墜諸藥。以導中焦下焦結滯之氣也。故能逐水氣。消穀食。除痰癖。削積塊。追諸蟲。攻腳氣。通痢疾。後重。數症之功。性若鐵石。驗如奔馬。東垣言之詳矣。但瀉至高之氣。較枳實青皮尤甚。不可過服。

頂尖狀如雞心體堅者佳陶學人常服
以祛風瘴氣同類頂平者另名大腹子

桔梗 屬陰 體乾 色白帶淡黃 氣和 味苦

云帶 性涼 云微 能升 力開提利膈 性氣 辛非 溫非

與味俱薄而輕 入肺脾二經

桔梗是根根主上行且氣味清薄輕清者升是以專
入肺經與甘草並行同為舟楫之劑如入涼膈散偕
硝黃諸品以導胸中使不峻下入四物湯同歸芍等
藥以治咽隘居於上焦取其提載之力也因其味苦
苦亦能發若咳嗽喘急為痰火之邪鬱在肺中及痢
疾腹痛是肺金之氣鬱在大腸取其苦以開之也又

氣味輕清。若風熱壅閉。頭目不清。咽痛不利。鼻塞不通。及胸膈痞滿。能行上行。表達竅之先劑也。倘下虛及怒氣。併血病火病。炎上者。斷不可用。

明南產者佳。北方者味甘。但能提載。不能開散。宜辨之。

陳皮 屬陽中有陰 體乾大而輕 色皮黃肉白

氣香細 味辛苦 性溫 能升能降 力理肺

脾 性氣薄而味厚 入肺脾兼走諸經

陳皮留白。取其色白入肺。氣香入脾。因體大則緩緩則進下。故主二部而和中。味辛則散。散則分解。故泄逆氣而快膈。用治膈痰嘔逆。穀食酒毒。功在蘇梗檀。

壳之上以其性溫能補肺脾須藉監制之藥用之功
參苓煖胃佐白朮健脾和甘草益肺同半夏滲濕合
青皮去滯參竹茹治呃且辛香泄氣如目痛脇脹盛
怒動氣俱忌用之因主至高之分故曰陳皮治高氣
青皮治低氣此言大畧然亦通用

用廣產者佳取其陳久燥氣全消溫中而不燥行氣而不峻故名陳皮

蘓梗 屬陽 體乾而虛 色青 氣和 味甘微

辛 性微溫 能升能降 力順諸氣 性氣與

味俱薄 入脾胃肺三經

蘇梗體質中通通可去滯能使鬱滯上下宣行凡順

氣諸品惟此純良其性微溫比枳壳尤緩病之虛者
寬胸利膈疏氣而不迅下如安胎飲順氣養陰入消
脹湯散虛腫滿

紫蘇葉梗子各分功用。
古來潤列今特另載。

枳壳 屬陰 體乾而大 色淡黃而白 氣微香

味苦微辛 鮮者帶酸 性微寒而緩 能降 力利肺

氣 性氣薄而味厚 入肺脾胃大腸四經

枳壳色白味苦專利肺氣因體質大則性寬緩而遲

下通利結氣而不致驟泄故主上焦以治氣分因味

帶辛用之散滯療胸膈間痞滿寬膨脹逐水氣消痰

飲推宿食順氣逆止咳嗽又肺主皮毛治遍身風癢
疏解癰疹通利關節且肺與大腸為表裏兼寬大腸
以除結痢祛痔瘡理腸風抑其氣以行血使胎前無
滯佐白朮安胎最為神妙凡快氣之品勿宜多用
枳實與枳實同是一種大為
黃小為實用陳久者良能沉力疏

枳實屬純陰體實而中色黃氣香而雄

味大苦微辛云酸性寒而酷能降力泄胃

實性氣與味俱厚入脾胃大腸三經

枳實色黃味大苦專泄胃實因體質中則性猛酷而
速下開導堅結有推墻倒壁之功故主中脘以治血

爲療。膀腹間實滿。消痰癖。祛停水。逐宿食。破結胸。通
便。勝非此不能也。若痞滿者。因脾經有積血。如脾無
積血。則不滿。若皮膚作癢。因積血滯於中。不能榮養
肌表。若飲食不思。因脾氣鬱結。不能運化。皆取其辛
散苦瀉之力也。爲血分中之氣藥。惟此稱最。
青皮。屬陰中有陽。體乾而小。色青。氣香而
羶。味苦辛。性涼而銳。云溫云寒皆非
肝氣。性氣與味俱厚。入肝膽三焦三經。
青皮。色青。味苦而辛。專疏肝氣。因體質小。則性銳烈。
而直下。善導鬱滯。有推陳致新之力。故主下部以治。

本分因味辛重。用之前。堅療小腹部間積痛。治瘧埃散。瘧氣。理脇下痛。解鬱平怒。莫勝於此也。用三四分入。膽腑能伏驚氣。其氣味厚。最能發汗。若表虛禁用。

青皮即橘之小者。未成熟而自落。皮緊厚。破裂。因辯者。生。諸妙治脇痛。妙。黑入血。分。

白荳蔻。屬純陽。體燥而細。色肉白皮蒼。氣

香而雄。味大辛。性熱。能淨。力溫肺寬脹。

性氣厚而味薄。入肺脾胃三經。

荳蔻氣香味辛。別有清高之氣。蕩散上焦結滯。專主肺胃。治胸中冷逆。胃冷嘔吐。脾虛瘧疾。肺寒眼白生翳。感寒腹痛。行氣之功甚捷。以其氣雄辛熱純陽之

品服之暫快胸膈虛人久用消元氣漸成痼疾慎之

白荳蔻去壳炒香。

搗碎用不宜久宿。

草荳蔻味辛性溫除胃脘冷物風寒客邪在上部無不驅散但鬱熱者忌用。

砂仁屬陽中有陰體細色肉白皮蒼氣香

味辛帶苦性溫能降力疏脾胃性氣與

味俱厚入脾胃肺腎大小腸膀胱七經

砂仁辛散苦降氣味俱厚主散結導滯行氣下氣良

品取其香氣能和五臟隨所引藥通行諸經若嘔吐

惡心寒濕冷瀉腹中虛痛以此溫中調氣若脾虛飽

悶宿食不消酒毒傷胃以此散滯化氣若胎氣腹痛

惡阻食少胎脹不安以此運行和氣肺有伏火忌之

益智味辛開發鬱結而和中性品善逐腎寒而止

羅蔔子屬陽體細而內潤色肉白皮黃氣

炒香味甘辛性溫而饒能降力下氣

性氣與味俱厚入肺胃二經

荀子體細性饒味辛能降用之寬中滿解鬱痞除喘

嗽祛風痰且氣香和脾助胃化食治老幼之佳珍也

畧炒香研碎服不宜久飲

沉香屬純陽體重實而堅色黃而帶黑氣

香竈味苦辛帶微甘性溫能升能降力

和諸氣。性氣厚而味薄。入肺腎二經。沉香純陽而升。體重而沉。味辛走散。氣雄橫行。故有通天徹地之功。治胸背四肢諸痛。及皮膚作癢。且香能溫養臟腑。保和衛氣。若寒濕滯於下部。以此佐舒經藥。善驅逐邪氣。若跌撲損傷。以此佐活血藥。能散瘀定痛。若怪異諸病。以此佐攻痰藥。獨降氣安神。總之流通經絡。血隨氣行。痰隨氣轉。凡屬痛癢。無不悉愈。

沉香堅重。沉水產廣東。色黑帶黃者佳。色純黑味酸。不堪入藥。合丸散忌火炒。藿香爲和氣開胃之品。

厚朴、腹皮、主治氣滿、爲平胃寬脹之品。
香附、烏藥、主治氣鬱、爲快滯散結之品。
木香、檳榔、主治氣壅、爲調中降下之品。
桔梗、陳皮、主治氣膈、爲升提開散之品。
蘇梗、枳殼、主治氣逆、爲寬胸利膈之品。
枳實、青皮、主治氣結、爲調胃瀉肝之品。
荳蔻、砂仁、主治氣滯、爲溫上行下之品。
茴子、爲下氣消食之品。
沉香、爲降氣定痛之品。
以上氣藥、皆屬辛香、辛香則通氣、取其疏利導滯。

爲快氣破氣行氣清氣順氣降氣提氣之用非補氣藥也肺藥脾藥門有補氣之劑

血藥

赤芍藥

屬陰

體乾

色赤

氣和

味苦帶酸

性寒

能降

力瀉肝火

性氣薄而味厚

入

肝與小腸二經

赤芍味苦能瀉帶酸入肝專瀉肝火蓋肝藏血用此清熱涼血入洞然湯治暴赤眼入犀角湯清吐衄血入神仙活命飲攻諸毒熱癰以消散毒氣入六一順氣湯瀉大腸閉結安血脈順下以其能主降善行血

澤調女人之經消瘀通乳以其性稟寒能解熱邪祛
內停之濕利水通便較白芍味苦重但能瀉而無補

內有花紋者佳
名金錢芍藥

地榆 屬陰 體乾而重 色赤 氣和 味苦

酸甘 皆非 性寒 能沉 力涼血 性氣薄而味厚

入肝大腸二經

地榆色性氣味與赤芍相同但味苦稍重取其苦寒
勝熱用之涼血瀉肝因體重而沉專主下部凡腸紅
溺血女人崩漏血淋以此清之不使下泄妄行而血
自止矣若下部失血久則清氣下陷性寒忌之又以

此除惡血定痛治金瘡止血解諸毒熱癰神效

體朝如神故名神榆凡涼血枯苓為上藥黃連為中使地榆為下藥因其體味苦經連重榆更重耳

五靈脂 屬陰 體潤 色黑 氣燥 味大苦甘

非 性寒云溫 能沉 力能通行炒止血 性

氣與味俱厚而濁 入肝經

五靈脂聚於土中結如凝脂受五行之靈氣而成故

名之其味苦如膽以苦寒瀉火生用行血而不推蕩

非若大黃之力迅而不守以此通利血脉使濁陰有

歸下之功治頭風噎膈痰癰癩疾諸毒熱癰女人經

閉小腹刺痛產後惡露大有神効其色黑如鐵凡血

遇黑則止炒用以理諸失血症令血自歸經而不要
行能治崩中胎漏及腸紅血痢奏績獨勝因味苦氣
難入肝最捷

狀若澄澈色黑歸心潤澤者佳是號寒蟲多夾
砂石研末酒淘去細乾用惡人參同用損人真者

玄胡索 屬陰中有陽 體實而小 色黃 氣和

味苦重畧辛云甘性涼云溫能降力破血

滯 性氣薄而味厚 入脾胃肺肝四經

玄胡味苦能降辛利緩色黃入脾蓋脾主統血管理
一身上下血中氣滯氣中血滯用醋炒治胸膈胃氣
痛小腹痛肝氣疼酒拂治經水不調崩中淋瀝產後惡

用。露生肌。凡血凝滯者。悉可療治。但行血之品。胎前忌

擇色如黃金
粗大者佳

紅花 屬陽 體輕 色紅 氣羶 味辛微苦

性溫 能升能降 力少用補多用散 性氣薄

而味濃 入心肝二經

紅花色紅類血。味辛性溫。善通利經脈。為血中氣藥。能瀉而又能補。各有妙義。若多川三四錢。則過於辛。溫使血走散。同蘇木逐瘀血。合肉桂通經閉。佐歸芎。治遍身或胸腹血氣刺痛。此其行導而活血也。若少。

用七八分取其味辛以疏肝氣色赤以助血海大補血虛此其調暢而和血也若止用二三分取其色赤入心以配心血又借辛味解散心經邪火令血調和此其滋養而生血也分量多寡之義豈淺鮮哉

桃仁 屬陰中有微陽 體潤 色肉白皮赤 氣和 味苦重微甘 性寒 能降 力行血潤腸

性氣輕而味濁 入肝與大腸二經

桃仁味苦能瀉血熱體潤能滋腸燥若連皮研碎多用藉其赤色以走肝經主破蓄血逐月水及遍身疼痛四肢木痺左半身不遂左足痛甚者以其舒經活

血行血有去瘀生新之功若去皮搗爛少用取其純
白以入大腸治血枯便閉血燥便難以其濡潤涼血
和血有開結通滯之力

三稜 屬陰 體重而實 色黃帶白 氣和 味

微苦 性涼 能升能降 力破血中之氣 性

氣與味俱輕 入肺肝二經

三稜色白入肺屬氣分以其味苦體重專破血中之
氣能徹上徹下有雷厲風行之勢主消老癥瘕結
塊氣脹女人經閉死胎難下產後宿血撲損積瘀無
不奏効恐傷真氣不宜久服虛人及孕婦皆勿宜用

諸重者佳麴包
火煨加醋炒用

蓬朮

屬陽

體堅而肥

色紫

云黑非

氣和

味

微辛

性溫而烈

能升能降

力破氣之中血

性氣薄而味厚

入肝經

蓬朮

色紫入肝屬血分以其味辛性烈專攻氣中之

血

主破積削堅有星移電閃之能去積聚癥塊經閉

血

瘀撲損疼痛與三稜功用頗同亦勿過服

以醋炒肝
又名義朮

槐花

屬陰

體輕

色淡黃

氣和

味苦

性

寒

能沉

力涼血

性氣薄而厚味

入肺大

腸二經

槐花二三月萌蒞四五月開放從木令生而成於火
用火性味苦苦能直下且味厚能沉主清腸紅下血
痔瘡腫痛膿毒淋瀝此涼血之功獨在大腸也大腸
與肺爲表裏能疏皮膚風熱是泄肺金之氣也

揀淨花子
畧炒黑用

蒲黃

屬陽

體輕

色黃

氣微香

味甘

性

平

能升能降

力生破血炒止血

性氣薄而

味厚

入脾經

蒲黃色黃氣香專入脾經若諸失血久者炒用之以

助補脾之藥。歸血、歸源、使不妄行。又取體輕行滯。味甘和血。上治吐衄咯血。下治腸紅崩漏。但爲收功之藥。在失血之初。用之無益。若生用。亦能涼血消腫。

側柏葉

屬陰。

體潤。

色青翠。

氣清香。

味

苦澁。

性涼。

能降。

力欬血。

性氣輕清而味

濃。

入肝心脾肺四經。

側柏葉味苦。滋陰帶澁。欬血專清。上部逆血。凡吐血衄血。咳血。唾血。諸症。功高犀角。取其色。常青。凌冬不凋。長生之物。主養肝膽。膽氣清。則能上升。餘臟從之。宜佐其氣。清香味澁。大能欬心。心寧則神安。而生血。

其體潤性涼亦能滋肺肺清則臟和而生氣又得陰
氣最厚如遺精白濁尿管澁痛屬陰脫者同牛膝治
之甚効

指有數種取側葉者佳故名側柏作丸散陰乾
用炒燥爲末每服二錢湯調下治痔瘡最妙

蘇木 屬陽中有陰 體重實 色赭黃煎汁紅

氣和 味煎熱甘重帶微鹹冷則又苦 云酸辛
皆非

性涼 能降 力破瘀 性氣薄而味濃 入肝

胃大腸三經

蘇木味甘能潤腸胃味濃能直降下帶鹹而能軟堅
有苦而能去垢以此活血逐瘀善通下部積熱女人

經閉產後血脹發暈跌蹠凝血同紅花桃仁玄胡索
五靈脂皆血滯所宜然蘊木煎濃紅色與血相合及
紅花二品用破蓄瘀功力尤勝

嚼則無味煎熱嘗之味甘帶醜待冷
復嘗則苦而已藥味之難辨如此

赤芍地榆主治血熱爲涼血清肝之品

靈脂玄胡主治血痛爲活血化滯之品

紅花桃仁主治血滯爲行血破瘀之品

三稜蓬朮主治血積爲消血破氣之品

槐花爲大腸涼血之品

蒲黃爲脾經止血之品

栢藥爲清上歛血之品

蘇木爲行下破血之品

以上血藥用苦酸者涼血歛血用辛苦者行血破
血取其清熱導滯爲破瘀活血和血止血之用非
養血藥也肝藥腎藥門有補血之劑

藥品化義三

鴛洲賈所學九如輯云

趙郡李延是期叔補訂

肝藥

牡丹皮 屬陰中有微陽 體皮乾 色紫 氣辛

香 味微苦畧辛 性微涼云寒云溫皆非 能降 力

疏肝清血 性氣薄而味厚 入肝腎胞絡三經

牡丹鍾天地之精羣花之首發於冬而盛於春特取

其皮入肝瀉陰中之火因味苦則補陰辛則散結以

此疏暢肝氣使血清和所妙在微苦畧辛味厚可降

故能降火而不推蕩益血而不膩滯。若肝有餘則火盛血逆。血熱妄行。以其微苦下行降火。兼以辛散陽。用治吐血衄血。通經逐瘀。若肝不足則榮中血少。熱氣鬱結。以其畧辛散結止痛。兼以苦益陰。用治牙疼。腰痛。赤淋白帶。以此清熱疏鬱。使陰血不受火燥。不患阻滯。推陳致新。滋陰養血。爲調經產後必用要藥。胎前忌之。以能去血中之熱。故痘瘡壯熱煩紅。用爲良劑。取其皮能降火散表。以丹皮治無汗骨蒸。地骨皮除有汗骨蒸。大有殊功。

川丹皮內外俱紫。氣香甚。味重。治肝之有餘。毫州丹皮外紫內白。氣和味輕。治肝之不足。通取皮厚。

實而粗大者佳
去心酒洗用

牡丹皮與紫參體色性味相同世作丹皮遂棄紫參耳今肆絕少姑載之盛後湖嘗嘆世莫知用參者參也使之參贊本臟古人取五色參各從本臟色分配五臟以紫參益肝丹參養心人參健脾胃沙參補肺玄參滋腎各為主治今為五臟藥之冠

續斷 屬陰中有微陽 體根乾 色淡紫微黃鮮

氣和 味苦重帶辛 性涼 能升能降

云溫非

力續筋調血 性氣輕而味清 入肝膽肺三經

續斷苦養血脈辛養皮毛善理血脈傷損接續筋骨

斷折故名續斷外消乳癰瘰癧內清痔漏腸經以其

氣和味清胎產調經最為穩當且苦能堅腎辛能潤

腎可療小便頻數精滑夢遺腰背酸疼足膝無力此
皆腎經症也若同紫苑用之調血潤燥治血枯便閉
大能宣通血氣而不走泄

狀如鷄膽皮黃弱者
佳酒一宿曬乾用

生地 屬陰中有微陽 體濡潤 色紫 氣和

味甘帶微苦 性涼 能浮能沉 力清肝涼血

性氣薄而味厚 入肝心腎膽四經

生地味甘涼血帶苦益陰色紫入肝通徹諸經之血
熱若吐血衄血便血溺血血崩胎漏血暈及於瘍諸
毒跌撲折傷皆屬血熱以此清熱而涼血若骨蒸勞

怯目痛頭眩五心煩熱大小腸燥腰腿酸疼皆屬陰
虛以此滋陰而養血如憂患焦思文章苦志為政勞
神三者未有不動心火火動則耗血以致心虛驚悸
頭暈目昏舌乾口燥宜取濡潤清涼同麥冬養神而
生血蓋肝氣熱則膽虛此獨使肝清而膽受其蔭故
有益膽之功肝木旺則尅土此又使肝平而脾去其
害更有助脾之效

產於懷慶體粗大內如菊花心者佳晒乾銅刀切
片忌鐵器合九酒浸三日搗爛用

熟地

屬純陰

有水
與土

體濡潤

色黑

氣微香

味甘

性製溫

能沉

力補血

性氣與味俱

厚 入肝腎心膽四經

熟地產于中州。獨受中央戊土。土之色黃。故名地黃。藉酒蒸熟。製黑而爲純陰。味苦化甘。性涼變溫。專入肝臟補血。因肝苦急。用甘緩之。兼主溫膽。又心爲肝之子。能益心血。取色黑走腎。更補腎水。凡內傷不足。苦志勞神。憂患傷血。縱慾耗精。調經胎產。皆宜用此。安五臟和血脈。潤肌膚。養心神。寧魂魄。滋補真陰。封填骨髓。爲聖藥也。取其氣味濃厚。爲濁中濁品。以補肝腎。故凡生熟地黃。天麥門冬。炙龜板。當歸。身山茱萸。枸杞。牛膝。皆補臟濡潤之劑。用滋陰血。所謂陰不

足者補之以味也

用懷慶大生地酒蒸三次。日曬乾。銅刀切片。南產者細小氣味不烈勿堪用。如有腦痰薑汁拌加入。

天麻 屬陽 體重而實 色蒼白 氣和 味甘

云辛云 性平而緩 非云溫 能升能降 力緩肝

性氣與味俱薄 入肝經

天麻性氣和緩。經曰肝苦急以甘緩之。用此以緩肝氣。蓋肝屬木。膽屬風。若肝虛不足致肝急。堅勁不能養。膽則膽筋風動。如天風之鼓蕩。為風木之氣。故曰諸風皆肝。皆屬肝木。繇肝膽性氣之風。非外感天氣之風也。是以肝病則筋急。用此甘和緩其堅勁。乃補。

肝養膽爲定風神藥。若中風風癰驚風頭風眩暈皆
肝膽風證。悉以此治。若肝勁急甚。同黃連清其氣。又
取其體重降下。味薄通利。能利腰膝。條達血脉。諸風
熱滯于關節者。此能舒暢。凡血虛病中之神藥也。

取色白明亮者佳。油黑者不用。濕紙裹煨軟切片。飯上蒸軟亦可。

當歸 屬陽 體濡潤 色黃而白 氣香 味辛

帶甘非云苦 性溫 能升能降 力補肝 性氣

與味俱厚 入肝脾二經

當歸性溫能散。帶甘能緩。經曰肝慾散以辛散之。肝
苦急以甘緩之。緩之散之。肝性所喜。卽所爲補。故專

入肝以助血源使血流行凡藥體性分根升稍降中
守此獨一物而全備頭補血上行身養血中守稍破
血下行全活血運行周身治血虛不足縱慾耗精陰
虛勞怯去血過多癰毒潰後此皆血脫用歸頭以補
血也治精神困倦腰痛腿酸女人血滯目痛牙疼瘡
久虛証純血痢疾此皆血少用歸身以養血也治諸
腫毒跌撲金瘡皮膚濕癢濕痺癢癢經閉瘀蓄此皆
血聚用歸尾以破血也若全用治血虛昏亂者服之
即安有各歸氣血于經絡之功故名當歸取其氣香
體潤同參朮用滋脾陰如脾虛者米拌炒用使無便

滑之處。凡痰涎者。恐其粘膩。泄瀉者。恐其滑腸。嘔吐者。恐其泥膈。氣喘聲啞者。恐其辛溫。心性喜飲。肺氣欲收。切宜忌之。

皮黃肉白者佳。體枯小色黑。油勿用。酒淨晒乾入藥。

川芎

屬純陽

體重而實

色乾灰白

鮮青

氣香

味辛

性溫

能升能降

力緩肝

性氣厚而

味薄

入肝脾三焦三經

川芎。夫芎者穹也。取至高之義。氣香上升。能升清陽之氣。居上部功多。因其性味辛溫。能橫行利竅。使血流氣行。為血中之氣藥。以其氣升。主治風寒頭痛。二

焦風熱頭面游風暴赤眼疼血虛頭暈用之升解以
其辛散主治胸膈鬱滯脇肋疼痛腰背拘急腿足酸
疼寒痺筋攣瘰癧結癭瘰癧用之疏散以其性溫流行血
海能通周身血脉宿血停滯女人經水不調一切胎
前產後用之溫養但單服及久服反走散膽中真元
故丹溪云久服能致暴亡凡禁用者如心虛血少驚
悸怔忡肺經氣弱有汗骨蒸恐此辛溫香散故也如
火氣升上吐衄咳嗽熱據痰喘中滿腫脹恐此引氣
上騰故也

蜀產體圖如雀腦實大色白者佳枯及油
者勿用小而中虛者撫芳亦能開鬱寬胸

白芍藥

屬陰

體實

色白

氣和

味微苦

略

酸

性生寒

炒涼

能升

能降

力平肝

性氣

薄味厚

入肝脾肺三經

白芍藥微苦

以能補陰

略酸

亦能收斂

因酸走肝

暫

用之生肝

肝性欲散

惡飲又取酸以抑肝故謂白芍

能補復能瀉

專行血海

女人調經

胎產男子一切肝

病悉宜用之

調和血氣

其味苦酸性寒

本非脾經藥

炒用製去其性

脾氣散能收之

胃氣熱能飲之

主平

熱嘔止泄瀉

除脾虛腹痛

腸胃濕熱

以此瀉肝之邪

而緩中焦脾氣

難經所謂損其肝者緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

而緩中焦脾氣

難經所謂損其肝者

緩其中同炙甘

車爲酸甘相合。成甲巳化土之義。調補脾陰。神妙良法。取其色白。屬在西方。若久嗽者。藉此以收肺。又治痢疾腹痛。爲肺金之氣。鬱在大腸。酸以收緩。苦以去垢。故丹溪治痢。每劑用至三四錢。大有功效。若純下血痢。又非其所宜也。其力不能通行滲泄。然主痢水道者。取其酸。斂能收諸濕。而益津液。使血脈順而小便自行。利水必用以益陰也。若痘瘡血不歸附者。用以斂血歸根。惟疹子忌之。凡諸失血後。及初產二十日內。肝臟空虛。不可以酸寒瀉肝。伐新生之氣。亦禁用。

白色粗大者佳如細小者不堪用
伐肝生補肝行經酒炒入脾肺炒用

何首烏

屬陰

體熟乾實

生潤

色熟黑

生紫白二種

氣和

味熟甘畧澁

生澁

性熟溫

生涼

能沉

飲血

性氣薄而味厚

入肝膽腎膀胱四經

何首烏藤夜交合得陰氣最厚藉久蒸製熟成紫黑

色入肝兼腎取味甘平畧澁能益肝飲血滋陰主治

腰膝軟弱筋骨酸疼截虛瘡止腎瀉除崩漏解帶下

皆神驗也且澁能斂熱用此療頭面風癩皮膚燥癢

澁又能收脫故云何首烏久痢為宜白芍藥始末俱

用

生山島間。體潤而嫩。大者作。忌鉄器用。剉刀切片。酒淨洗。入黑荳九蒸。九晒。入藥。若平陽泥土。老硬。多筋。服之塞血。令人麻木。不可用。

山茱萸 屬陰 體潤 色紫 氣和 味酸 性

平 溫 非 能沉 力養肝 性氣薄而味厚 入

肝心腎三經

山茱萸色紫味酸。體質濡潤。專入肝膽。滋陰益血。主治目昏耳鳴。口苦舌乾。面青色脫。汗出振寒。爲補肝助膽良品。夫心乃肝之子。心苦散亂而喜收歛。歛則寧靜。靜則清和。以此收其涣散。治心氣虛弱。驚悸怔忡。卽虛則補母之義也。腎乃肝之母。腎喜潤惡燥。司

藏精氣藉此酸能收脫飲水生津治遺精白濁陽道
不興小便無節腰膝軟弱腿足酸疼卽子令母實之
義也

潤去核
晒乾用

木瓜 屬陰中有陽 體乾實 色紫 氣和

鮮香

味酸 性涼 能升能降 力瀉肝收氣 性氣

與味俱厚 入肝脾肺三經

木瓜味酸得肝木之本氣入肝爲血分之澁藥蓋筋
之不舒氣之不固皆因于濕熱酸澁能斂熱收濕主
舒筋固氣良品肝藏血若濕熱傷肝血爲熱所迫則

弱轉而痛多見于霍亂及腳氣紅腫一切濕痺之證
以此酸斂其血熱而筋自舒因能舒筋故能益血脈
也肺主氣若濕熱傷肺氣爲濕所滯則筋緩而軟多
見于暑熱四肢困倦神昏腰背腳膝無力以此酸收
其脫散之氣而氣自固因能固氣故能生津液也但
肝喜疏散此味酸重用多瀉肝體質肝實而不濡潤
非若山茱萸可養肝耳方書云醒筋骨之濕莫如木
瓜合筋骨之離莫如杜仲古人以此二味酒煎治久
癱爲滑則氣脫澁能收之所謂氣脫能收氣滯能和
也

益母草 屬陰中有陽 體乾 色青 氣和 味

微苦略辛 云甘 性微涼 云溫 能升能降 力

疏肝活血 性氣薄而味厚 入肝與胞絡三經

益母草味微苦 苦辛 入肝清熱疏散 專治胎前產後

諸症 故名益母 凡胎前氣易滯 故惡阻而胎不安 產

後血易凝 故血暈而腹痛 以此活血行氣而不推蕩

使血氣流通 以除凝滯 大有益于陰分 故云有補陰

之功 此非濡潤之物 體本枝葉 僅可通散 不可滋補

惟用之疏滯氣 卽所以養真氣 用之行瘀血 卽所以

生新血耳

種有不同取紫花者良五月
間嫩時採之陰乾取葉用。

大黑棗 屬陽中有陰 體粘潤 色肉紫皮黑

氣微香 味甘砒 性溫 能沉 力養肝補血

性氣與味俱厚 入肝腎脾三經

大黑棗味甘砒體粘潤故助陰補血氣味厚色紫黑
故入肝走腎主治虛勞善滋二便凡補肝腎藥中如
滋陰降火湯扶苓補心湯產後芎歸調血飲保胎丸
養榮丸四神丸俱宜爲佐使因性味甘溫尤能扶脾
養胃耳且大棗之甘與生薑之辛二味配合經云辛
甘發散爲陽也故發表疎散劑中必用之若中滿氣

嘔吐牙疼疳積蟲病皆忌用

取肉厚而長大者佳去核入藥小棗味酸不可用

丹皮主益肝爲清血行氣之品
續斷主涼肝爲調血續筋之品
生地主清肝爲涼血養心之品
熟地主溫肝爲補血滋腎之品
天麻主緩肝爲益血養膽之品
當歸主補肝爲養血潤榮之品
川芎主緩肝爲助血流行之品
白芍主平肝爲斂血補脾之品

首烏主歛肝爲滋陰收脫之品
山茱主助肝爲寧神固精之品
木瓜主瀉肝爲舒筋收氣之品
益母主疏肝爲活血散滯之品
大棗主養肝爲補血助脾之品

藥品化義卷三

藥品化義卷四

鴛洲賈所學九如輯著

趙郡李延是期叔補訂

心藥

丹參 屬陰中有陽 體乾 色赤 氣和 味微

苦 性涼 能升能降 力清心調血 性氣與

味俱輕清 入心與胞絡二經

丹參原名赤參色赤味苦與心相合專入心經蓋心
惡熱如有邪熱則脉濁而不寧以此清潤之使心神
常清心清則氣順氣順則冲和而血氣皆旺也取其

微苦故能益陰氣味輕清故能走竅以此通利關節
調養血脈主治心腹邪氣寒熱痼疾骨節腫痛四肢
不遂經水不調胎氣不安血崩胎漏丹毒凝聚暴赤
眼痛此皆血熱爲患用之清養其正而邪自祛也古
人以此一味代四物湯通主調經胎產諸失血症大
有奇功盛後湖嘗讚爲血藥中良劑

茯神 屬陽 體重實而堅 色白 氣和 味甘

淡 性微溫 能守能定 力補心氣 性氣薄
而味重 入心脾二經

茯神生於枯松根下因無枝葉上升津氣向下抱根

附結得松之神氣而成不離于本有依守之義故名
茯神特取此鎮伏心神能中守而不移以其體沉重
重可去怯其性溫補補可去弱戴人曰心本熱虛則
寒如心氣虛怯神不守舍驚悸怔忡魂魄恍惚勞怯
健忘俱宜溫養心神非此不能也

抱木而生者為茯神
無木者另名茯苓

酸棗仁

屬陽

體肥潤

色皮赤肉淡黃

氣炒

香

味微甘

云酸

性炒微溫

生

能升能降

力助血

性氣薄而味畧厚

入心肝膽脾四經

棗仁仁主補皮赤類心用益心血其氣炒香化為微

溫藉香以透心氣得溫以助心神凡志苦傷血用智
損神致心虛不足精神失守驚悸怔忡恍惚多忘虛
汗煩渴所當必用又取香溫以溫肝膽若膽虛血少
心煩不寐用此使肝膽血足則五臟安和睡臥自寧
如膽有實熱則多睡宜生用以平膽氣因其味甘炒
香香氣入脾能醒脾陰用治思慮傷脾及久瀉者皆
能奏效

臨用器炒研碎入藥勿
使隔宿香氣走散少効

栢子仁 屬陰中有陽 體潤 色白 氣微香

朱微甘

云微
辛非

性平

云溫
非

能浮能沉

力滋養

心腎 性氣輕而味濃 入心肝腎三經

栢子仁。栢爲百木之長。得陰氣最厚。其子生于樹杪。含蓄精粹。取香氣透心。體潤滋血。同茯神棗仁生地。麥冬。爲濁中清品。主治心神虛怯。驚悸怔忡。顏色憔悴。肌膚燥痒。皆養心血之功也。又取氣味俱濃。濁中歸降。同熟地龜板枸杞牛膝。爲封填骨髓。主治腎陰虧損。腰背重痛。足膝軟弱。陰虛盜汗。皆滋腎燥之力也。味甘亦能緩肝。補肝膽之不足。極其穩當。但性平力緩。宜多用之。爲妙。

煉去壳用入丸。以溫火隔紙微焙。去油爲末。若油黑者勿用。

石菖蒲

屬陽

體乾

色皮赤肉白

氣腥

味

辛

性溫

能升

力開竅

性氣清而味薄

入心肝二經

菖蒲寒暑不凋。經歲繁茂。受天地清陽之氣。而能上
升。用入心經。以通神明。取味辛利竅。氣香能透心氣。
主治氣閉胸膈痰迷心竅。昏暗健忘。耳聾口噤。暫用
此開發孔竅。使神氣昌。故名菖蒲。但心性喜飲而惡
散。菖蒲遠志皆屬辛散。心臟所忌。不可久用。及多用。
遠志屬陽。體乾而輕。色蒼。氣和。味辛重。
而雄。性溫。能升。力豁痰。性氣重而味薄。

入心經

遠志味辛重大雄入心開竅宣散之藥凡痰涎沃心
壅塞心竅致心氣實熱爲昏憤神呆語言蹇澁爲睡
卧不寧爲恍惚驚怖爲健忘爲夢魘爲小兒客忤暫
以此豁痰利竅使心氣開通則神魂自寧也又取其
辛能醒發脾氣治脾虛久困思慮鬱結故歸脾湯中
用之及精神短少竟有虛痰作孽亦須量用若心血
不足以致神氣虛怯無痰涎可祛卽芎歸味辛尚宜
忌用况此大辛者乎諸本草謂味辛潤腎用之益精
強志不知辛重暴悍戟喉刺舌與南星半夏相類經

曰腎惡燥烏可入腎耶特爲訂悞幸同志者辨之

用甘草湯浸去梗卽以此湯煮熟晒乾用生則戟人之咽

竹葉 屬陽中有陰 體潤 色青 氣清香 味

泡汁甘淡嚼之微苦 性涼 能升能降 力清

熱 性氣與味俱輕清 入心肺膽三經

竹葉清香透心微苦涼熱氣味俱清經曰治溫以清

導清心氣葉銳能散味淡利竅使心經熱邪分解主

治暑熱消渴胸中熱痰傷寒虛煩欬逆喘促皆用爲

良劑也又取色青入膽氣清入肺是以清氣分之熱

非竹葉不能涼血分之熱除栢葉不効

竹種類甚多須擇味淡者佳
洗淨入藥苦重者不堪用

燈心

屬陽

有金與水

體虛而最輕

色白

氣和

味淡

性平

云寒非

能升能降

力淡滲

性氣

與味俱輕清

入心肺小腸膀胱四經

燈心

氣味俱輕輕者上浮專入心肺其味最淡淡能

利竅

使上部鬱熱下行從小便而出主治咳嗽咽痛

眼赤目昏

淋閉水腫小水不利暑熱便濁小兒夜啼

皆清熱之功也世疑輕淡之物以為力薄而忽之不

知輕可去實淡主於滲惟此能導心肺之熱自上順

下通調水道下輸膀胱其力獨勝

丹參主清心爲寧神調血之品
伏神主補心爲助神生氣之品
棗仁主養心爲安神補血之品
栢仁主潤心爲養神滋腎之品
菖蒲主開心爲通神利竅之品
遠志主疏心爲開竅豁痰之品
竹葉主涼心爲微熱除煩之品
燈心主滌心爲導上滲下之品

藥品化義卷五

鴛洲賈所學九如輯著

趙郡李延是期叔補訂

脾藥

人參

屬純陽

有土與金

體微潤

色黃

氣香而清

韻

味甘

帶苦者次之

性大溫

能升能降

力補

脾益肺

性氣與味俱厚

入脾胃肺三經

人參產於遼左。繇地之陽在北。受地陽氣。不畏冰雪。

性大溫。色淡黃。原名黃參。取其氣香而韻。脾性最喜。

脾主生金。兼能益肺。又取味甘而純。甘則補陽。用補。

陽氣以固真元爲溫脾之勝藥也。主治思慮過度勞傷心脾。食後昏飽。自汗惡寒。久病胃弱。四肢怕冷。腸鳴作瀉。小便頻短。此係脾氣虛寒。用此溫補脾陰。又治勞役過度。飲食不思。怠惰嗜卧。四肢不收。精神困倦。惡寒懶怯。面黃肌瘦。氣短虛煩。此係元氣下陷。用此升陽益氣。若遺精便濁。久洩脾虛。則元陽去而真氣散。用此固氣。使氣固則精不遺。若瘡疾久。則邪氣衰而元氣耗。用此補氣。使氣實則邪自去。若痢疾久。則積熱將盡而脾臟困極。用此扶脾。使腸胃俱健。痢而能止。若失血久而脈已虛。則血將止而無所統。用

此補脾使脾氣旺則能統血血自歸經若痘瘡色白
氣虛寒者用之爲宜色紅紫屬實熱者又須禁用若
病後氣血兩虛此時幾微之血不能速生參以領氣
歸元血從氣附卽陽生陰長之謂也如血衰氣盛火
燥真陰又宜戒之三伏間火令剋金人多氣虛故用
生脉散補養肺氣雷公又云人參夏月少用恐發心
痘之患蓋謂火令炎蒸流金燥石參性大溫必傷心
氣是知參兼麥冬五味子則功多獨用則反增害也
凡脾胃實熱肺受火邪喘嗽痰盛陰虛勞怯失血初
起胸膈痛悶噎膈便結有蟲有積皆不可用若二三

月及四五月內。爵溫熱病。初起誤用之。如劍鋒相刺。下咽卽斃。熱退愈後。餘邪未盡。服之必危。務宜慎之。

山西襄垣縣。古石上黨。有紫團山。出人參。久絕其種。今惟遼左。清河所產最良。朝鮮者次之。

黃芪。屬陽上。體柔。乾後。色黃。肉帶白。氣

和。味甘而淡。性溫。能升能降。力益氣固。

表。性氣微厚而味薄。入脾肺三焦三經。

黃芪皮黃。入脾。肉白走肺。性溫能升陽。味甘淡。用蜜炒。又能溫中。主健脾。故內傷氣虛。少用以佐人參。使補中益氣。治脾虛泄瀉。瘡痂日久。吐衄腸紅。諸久失血後。及痘瘡慘白。主補肺。故表疎衛虛。多用以君人。

參使飲汗固表治自汗盜汗諸毒潰後收口生肌及
痘瘡貫膿癰疽久不愈者從骨托毒而出必須鹽炒
痘科虛不發者在表助氣爲先又宜生用若氣有餘
表邪旺腠理實三焦火動斷宜戒之至於中風手足
不遂痰壅氣閉始終俱不可加

芪出綿上細直
柔軟故名綿芪

白茯苓

屬陽

有土與金

體重而實

色白

氣和

味甘而淡

性平

能升能降

力補脾肺

性

氣薄而味厚

入脾肺腎膀胱四經

茯苓字世俗訛傳史記及仙經皆名茯靈假松之

真液而生受松之靈氣而結稟坤陰最厚味獨甘淡
甘則能補淡則能滲甘淡屬土用補脾陰土旺生金
兼益肺氣主治脾胃不和泄瀉腹脹胸膈逆氣憂思
煩滿胎氣少安魂魄驚跳膈間痰氣蓋甘補則脾臟
受益中氣既和則津液自生口焦舌乾煩渴亦解又
治下部濕熱淋瀝水腫便溺黃赤腰膝不利停蓄邪
水蓋淡滲則膀胱得養腎氣既旺則腰膝間血自神
津道流行益肺於上源補脾於中部令脾肺之氣從
上順下通調水道以輸膀胱故小便多而能止澀而
能利惟痘瘡起脹時禁用恐滲泄不能貫榮其赤茯苓

苓。淡赤微黃。但不堪入肺。若助脾行痰。與白者功同。因松種不一。故分赤白。原無白補赤瀉之分。

擇堅實者佳
去粗皮用

白朮。屬陰中有陽。體微潤而重。色蒼白。氣

微香。味微苦畧辛。云甘非性微溫。能升能降。

力健脾。性氣與味俱厚。入脾胃三焦三經。

白朮味微苦畧辛。取其苦燥濕。苦潤脾。燥之潤之。脾
斯健旺。蓋脾屬濕土。土無水澤則不滋潤。非專宜燥。
經曰脾苦濕。為太濕則困滯。然過燥則乾裂。此以苓
燥脾。實以苦潤脾。主治風寒濕痺。胸膈痰痞。噎氣吞

酸惡心嘈雜霍亂嘔吐水腫脾虛寒濕腹痛瘡疾胎產能使脾氣健運正氣勝而邪氣自却也且潤脾益胃為滋生血氣痘瘡貫膿時助漿滿聖藥凡鬱結氣滯脹悶積聚吼喘壅窒胃痛由火癰疽多膿黑瘦人氣實作脹皆宜忌用

甘草取肉乾白者佳油黑者勿用同陳壁土畧炒毋太過借土氣以助脾或人乳製或飯上多蒸數遍屬陽土有體實色黃氣和炙香味甘

甜性生涼炙溫能升能降力生瀉火炙補脾性氣薄而味厚入脾胃肝三經

甘草色黃味甘屬土土居中央兼乎五行專入脾經

取性氣緩緩可去急同熱藥用之緩其熱寒藥用之緩其寒使補不至於驟而瀉不至於迅有調和相協之義故稱曰國老生用涼而瀉火主散表邪消癰腫利咽痛解百藥毒除胃積熱去尿管痛此甘涼除熱之力也多用溫而補中主脾虛滑瀉胃虛口渴寒熱咳嗽氣短困倦勞役虛損此甘溫助脾之功也但味厚而太甜補藥中不宜多用恐戀膈不思食也如心脾火盛痢疾初起中滿腫脹氣鬱嘔吐併嗜酒者均宜遠此

堅實中條者佳粗大者解毒消腫人六一散用最細者不堪與海藻人戰花甘遂相反同脹害人

芡實

屬陽

有土與金水

體乾

鮮

色乾白

鮮玉色

氣

和

味甘

性乾溫

鮮

能浮能沉

力健脾

性氣薄而味厚

入脾胃肝三經

芡實從純陰時生長成實於夏令受純陽而凝結本

得陽熱之氣多然生於水澤間有地水比和之義故

味甘平而性和緩所為清中濁品專健脾陰主治泄

瀉嘔吐水腫小便不禁遺精白濁女人帶下小兒疳

積及久瀉久痢久瘡久嗽諸失血後無不奏功但力

緩務宜多用則効

白扁豆

屬陽

體乾

鮮

色白帶微黃

氣乾和

味甘 性溫 能升能降 力醒脾和胃 性氣

與味俱清和 入脾胃肺三經

扁豆味甘平而不甜氣清香而不竅性溫和而色微黃與脾性最合主治霍亂嘔吐腸鳴泄瀉炎天暑氣酒毒傷胃為和中益氣佳品又取其色白氣味清和獨受清中之清用清肺氣故云清以養肺肺清則氣順下行通利大腸能化清降濁善療腸紅久瀉清氣下陷者此腑虛補臟之法也

俗名羊眼豆有數種擇嫩肉俱白者佳能解一切草木河豚毒用兩許煎湯服即藤蔓煎服亦效

薏米

非云名

屬陽

有土

體乾

色白

氣和

味

甘 性乾溫 能沉 力補脾 性氣薄而味厚

入脾胃肺三經

薏米味甘氣和清中濁品能健脾陰大益腸胃主治
脾虛泄瀉致成水腫風濕筋緩致成手足無力不能
屈伸蓋因濕勝則土敗土勝則氣復腫自消而力自
生也取其色白入肺滋養化元用治上焦消渴肺癰
腸癰又取其味厚沉下培植下部用治脚氣腫痛腸
紅崩漏若咳血久而食少者假其氣和力緩倍用無
不神効但孕婦忌之

取色白者良黃
者油氣不堪用

神麴 屬陽 體乾 色白炒微黃 氣炒香 味

微甘 性溫 能升能降 力消米穀 性氣與

味俱厚 入脾胃二經

神麴味甘炒香香能醒脾甘能洽胃以此平胃氣理
中焦用治脾虛難運霍亂吐逆寒濕泄瀉孕婦胎動
搶心下血不止若生用力勝王消米穀食積痰滯癥
結胸滿瘕痞小兒腹堅皆能奏績

造神麴法取六月六日為諸神聚會之晨故名神
麴一日白虎白麴十觔一日勾陳蒼耳草自然汁
二合一日醫蛇野麥草自然汁四合一日青龍青
蒿草自然汁三合一曰玄武杏仁四合泡去皮尖
去毛入麴一日朱雀赤小豆三合
煮熟去皮搗爛和麴一處勻作餅

大麥芽

屬陽

體輕

色黃

氣炒香

味甘

二云鹹

其

性溫

能升能降

力散米麴

性氣與味

俱薄

入脾胃二經

大麥爲五穀之長甘溫入脾以此發芽取其體輕性銳輕可去實銳能消散炒香開胃以除煩悶生用力猛主消麥麴食積癥瘕氣結胸膈脹滿鬱結痰涎小兒傷乳又能行上焦滯血若女人氣血壯盛或產後無兒飲乳乳房脹痛丹溪用此二兩炒香搗去皮爲末分作四服立消其性氣之銳散血行氣迅速如此勿輕視之凡痰火哮喘及孕婦切不可用

山查 屬陰中有微陽 體乾 色赤 氣和 味酸帶甘 性平 能升能降 力消肉食 性氣薄而味厚 入脾肝二經

山查古方罕用。自朱丹溪始著其功。後遂爲要藥。取其味酸屬甲。帶甘屬巳。酸甘相合。甲巳化土。以此入脾。助其運化。主消肉食積。油膩。羶菓。實痰。飲痞。滿膨脹。飽悶。吞酸。小兒乳滯。又因酸走肝。肝藏血。能化血塊。用治崩漏。腸紅。產後惡露不盡。兒枕作痛。更善行痘瘡。血滯。使血活起發。止痛解毒。始末俱用。同蓬朮三稜。攻一切積塊。自能化散。抑且色類於血。諸

失血後氣血兩虛以此佐人參疏理肝脾最為良品

傷生冷瓜菓用乾薑青皮合二陳湯去寒之傷素
食薑腐油膩用乾薑半夏合平胃散燥濕○胃有
不熱不殺穀用苧連合神效麥芽除熱○
傷索粉食積用杏仁○傷魚蟹用紫蘇

車前子 屬陽中有陰 體輕細煎汁稠濁而滑

色黑帶紫 氣和 味淡 云甘云鹹皆非 性平 云寒非

能降 力滲熱 性氣薄而味濃 入脾肝膀胱

三經

車前子主下降味淡入脾滲熱下行又因汁濁濁
陰走下竅汁濁而滑滑能養竅故人膀胱能行水而
不動真氣主治痰瀉熱瀉胸膈煩熱周身濕痺蓋水

道利則清濁分脾斯健矣取其味淡濁滑滑可去着
淡能滲熱用入肝經又治暴赤眼痛泪出腦疼翳膜
障目及尿管澁痛遺精溺血瘕閉淋瀝下疳便毒男
子陽挺腫脹或出濃水女人陰瘕作痛或發腫瘰凡
此俱屬肝熱導熱下行則肝自清矣

畧妙士穀用治諸生逆產炒熟
爲末調服二錢不順再服必効

木通 屬陰中有微陽 體輕而通 色黃 氣和

味苦重微辛

云甘
淡非

性涼 能降 力通氣導赤

性氣輕清而味厚 入脾心小腸膀胱四經

木通體質鬆通通可去滯味苦能降帶辛能散取其

色黃用入脾經導脾胃積熱下行。主治火瀉熱瀉。蓋
爲利小腸火鬱行膀胱水閉使水火分則脾氣自實
也。又能去黃疸之濕解諸毒熱癰開耳聾出聲音通
鼻塞行經下乳催產利胎分消痞滿導除氣腦皆藉
其通經利竅之力也。且心移熱於小腸而臟病繇臍
結臍通則臟安凡爲驚病繇心氣鬱及嗜臥心煩者
以此直徹下行古人立方心火爲邪用木通導赤肺
火爲邪用桑皮瀉白良有深義也。

擇色黃而體中條者佳
色黑粗大者不堪用

澤瀉

屬陰

體乾

色白

氣和

味微鹹略苦

味甘

性平

云寒

能降

力利水

性氣薄而

味稍厚

入脾肺腎小腸膀胱五經

澤瀉色白微苦入肺味鹹以利膀胱凡屬瀉病小水必短數以此清潤肺氣通調水道下輸膀胱主治水瀉濕瀉使大便得實則脾氣自健也因能利水道令小便去則真水得養故消渴能止又能除濕熱通淋瀝分消痞滿逐三焦蓄熱停水此為利水第一良品金為腎水之母故云水出高原此能引肺氣從上順下如雨露之膏澤故名澤瀉所以六味丸中同茯苓山藥補肺金導引於上源降下而生腎水用療精泄

退陰汗去虛煩。又有熟地山茱丹皮補肝木以生心
火。上下相生。陰陽交互。最易理地天泰。水火濟之義。
如斯玄妙。非達造化之微者。孰能制此良方。昧者悞
為泄腎。臧之。若小便不通而口渴者。熱在上焦。氣分
宜用澤瀉茯苓以清肺氣。滋水之上源也。如口不渴
者。熱在下焦。血分則用知母黃柏以瀉膀胱。滋水之
下元也。須分別而用。

取白色者佳。黃油色者勿用。易經用柴灰拌藏之。

猪苓

屬陽

體乾

色肉白皮黑

氣和

味淡

云微苦非

性平

云燥非

能降

力淡滲

性氣與味

俱輕 入脾膀胱二經

猪苓味淡。淡主於滲。入脾以利水道。用治水瀉濕瀉。通淋除濕。消水腫。療黃疸。獨此為最捷。故云與琥珀同功。但不能為主劑。助補藥以實脾。領泄藥以理脾。佐溫藥以煖脾。同涼藥以清脾。凡脾虛甚者。恐泄元氣。慎之。

車前。木通。澤瀉。猪苓。四品。不專利水。亦通氣藥。又不專主脾經。但實脾以利水為先。因列於此。凡利水道。治在上焦。使水上行。非下部藥也。特為拈出。

蓮肉。屬陽。有土水。體乾。鮮。色乾。肉淡黃。衣赤。

心青。氣香。味肉甘。衣澁。心苦。性平。能浮。

能沉 力補脾 性氣與味俱厚 入脾胃二經
蓮肉生於水澤長於夏令凝純陽而結得天陽地陰
浹洽之氣稟性和平成清芳之質用之去衣主醒脾
和胃益肺厚腸養精神補元氣利耳目長肌肉止脾
瀉瀉痢後宜倍用之若連衣色類於血味澁能斂諸
失血後佐參苓以補脾陰使統血歸經妙甚

附荷葉

荷葉中央空虚象震卦之體其色青其形輕類於
風木其味苦其性涼其品清與膽腑清淨之性合
用此以佐膽氣如嗽久者肺金火熾剋伐肝膽用

小荷錢入煎劑治之真良法也雖取其氣香香益
脾氣開胃和中易老製枳木用荷葉煮飯為丸滋
養脾胃然其義深遠不專補脾蓋飲食入胃藉少
陽膽氣升發脾能運化若脾胃虛因膽氣弱不得
升上雖用此治脾實資少陽生發之氣東垣至晚
年始悟此理以為神奇余特拈出以便世用

桂圓肉

屬陽

有土火與水

體潤

色熟紫

鮮淡黃

氣

熟香

味甘

性溫

能沉

力補血

性氣與

味俱厚

入肝心脾三經

桂圓味甘而鮮氣香而和用入脾經功勝於棗色紫

類血體潤味厚大補陰血凡上部失血之後入歸脾湯同蓮肉芡實以補脾陰使脾旺統血歸經如神思勞倦心經血少以此助生地麥冬補養心血又筋骨過勞肝臟空虛以此佐熟地當歸滋培肝血但甘甜助火亦能作脹若心肺火盛中滿嘔吐及氣膈鬱結皆宜忌用

圖莖多種獨桂圖味甘而鮮餘者不堪用。症後產後老年及脾虛不可多啖以體弱故也。人參主補脾爲生氣助陽之品。黃芪主助脾爲固氣實表之品。茯苓主健脾爲養氣益肺之品。

白朮主潤脾。爲助氣除濕之品。
甘草主緩脾。爲和氣溫中之品。
芡實主實脾。爲益氣助胃之品。
扁豆主醒脾。爲順氣和胃之品。
薏米主佐脾。爲抑氣舒筋之品。
神麴主平胃。爲解麴散積之品。
山楂主疏胃。爲消肉導滯之品。
麥芽主開胃。爲解麴散積之品。
車前主養竅。治痰瀉熱瀉之品。
木通主通氣。治熱瀉火瀉之品。

澤瀉主導水治虛瀉腎瀉之品。
猪苓主利脾治水瀉濕瀉之品。
蓮肉主啟脾爲養胃厚腸之品。
桂圓主滋脾爲益血生津之品。

藥品化義卷五終